

استدلال

هفته ده بر دفعه نشر اولور حقوق و سیاسیاتدن باحث


عالی، ادبی مجموعه در

نومرو ۱

۴ ایلول سنه ۱۳۲۴

سنه ۵۰ (نسخه اعتباریله در سعادت ایچون ۹۰ غروش
طشره ایچون آبروجه پوسته اجرتی ضم ایدیلور

نسخه سی ۲ غروش



استانبول

محل اداره سی

باب عالی جاده سنده ۵۲ نومرولو آ. آصادوریان مطبعه سی فوقنده کی دارة مخصوصه در

۱۳۲۴

وکیل مدعی عمرمیدر . معصومیتی ظاهر اولان محکوملر حققی بو مأموردن آلسون دیملیز . حالبوکه نظریات حکمت جزاده ، قانونده مدعی عمومی حسباً حقوق عمومی نامنه ، هیئت اجتماعی نامنه مناسب کوردیکی تدابیر واجرا آتده معذور ومعفو طوتیلدیغندن شو ملاحظاتک نتیجه سی بینه معصومک تهوین خسارینه منجر اولمز .

کوریلور آ! آرای عمرمیه نک حصوله کتیردیکی مسئله پک نازک ، پک مهم . اوت ! نیچون بر معصوم ، نیچون بر بیکناه خطالی ، اساسسز اخبارات یوزندن محروم حریت اولسونده ، اکا قوه عدلیه ، هیئت اجتماعی تضمین نامنه ، محکومک ، موقوفک متحمل اولدیغی الم وعذابی نامنه بر مکافات تخصیص ایتسون؟ محتاج تأملدر . هله دعواچیسز ، شوسز بوسز دعوارک اقلیتی ، کوز اوکنه کتیریلیرسه دریای تأمل موجاموج اولور .

فرانسه ده تضمینات ماده سنک عدم قبولی بلکه سوء استعمال قیوسی آچیلور قورقوسنه مستنددر . ظن قاصرنامه قالدور ایسه بر مملکتده جزانک شدتی یعنی اعدام کبی آغراق و اصول محاکمه جه ژوری کبی قناعت وجدانییه مستند اجتهاد ایله پایدار اولوب محکم و قطعی ، وهرزمانده تهدیدی ایقاعه مقتدر هیئت عدلیه ومکمل قوانینه وابسته اولنجه ایش اولقدر ساندلک پیدا ایدرکنه سوء استعمال قیوسی آچیلورق مصنع جرائمله خزینه دولت متضرر اولور ، نه ده حق معصومین باد هوا احا وازاله اولنور .

عبد الخالق مدحت

تدقیق قوانین قومیسوینک نظر دقتنه

اصول محاکمه جزاییه حقنده بر مطالعه

بعض غریبه لرده اصول محاکمه جزاییه قانون موقتک بزم اهالی مرک درجه تریبه واحوال مدنییه غیر متناسب اولدیغندن اساساً قانون مذکور مدنی

بر قومه مخصوص اوله رق یابلمش ایدوکنندن مثلاً بر جانی و بر قتلک جلب مذکره سیه درستی ممکن اوله میه جفتندن و اهالیکن یوزده طقسانی جاهل اولماق مناسبته قانون مذکورک احکامنه واقف اوله مدققرندن دهاماده و حال و شانزه مناسب بر اصول محاکمه نك تنظيمی ایجاب ایده چکی زمینده بعض مطالعات کورلمشدر .

مطالعات مذکورده نك موافق نفس الامر اولوب اولمدیقنی تدقیقندن اول اصول محاکمه مذکورده حقنده مطالعه عاجزانمک سرد و ایرادی مناسب عد اولمشدر . معلومدرکه اصول جزاییه قانون موقتی فرانسرلرک " Code d'instruction criminel " قانونندن ترجمه اولنه رق بعض تعدیلات اجرا سیه اخذ و قبول ایدلمشدر . قانون مذکور فرانسرلرک اصول ودرجه مدیتلرینه کوره ترتیب و تنظیم ایدلدیکی شبهه سز اولمغله برابر قانون مذکوری انشای ترجمه ده بعض تعدیلات اجرا ایدلدیکی حالده شایان تعدیل اولان نقاط مهمه سی باقی قلمش و از جمله زوری تعبیر اولنان هیئت عدوله عائد اولان هیئت اتهامیه قسمی عینیه ایفا ایدلمش ، هیئت اتهامیه نك زوری اولمیان بر مملکتنده تطبیق معاملات زانده دن عبارت اولمسنه مبنی بو حقیقت عدلیه نظر ترحه نظر دفته آله رق یدی سکر سنه مقدم هیئات مذکورده نك الفاسی تنسیب ایدلمشکن بعض ملاحظاته مبنی تکرار ایفا ایدلمشدر . تشکیلات حاضره عدلیه مزه نظراً هیئت اتهامیه لرك امور عدلیه نی سورونجمه ده بر اقمقندن بشقه بر منافعی مشهود اولمدیقنی تجارب مدیده عاجزانمه مستنداً درمیان ایده بیلورم . هیئت اتهامیه مستنطقک فوقنده بر هیئت اولوب تحقیقات استنطاقیه ده نقصان بولنور ایسه مستنطق قرارنامه نك فسحیه اعضاسندن بریسی مستنطق مخصوص تعیین ایدره نك نقصانی اکمال ایده چکی اصول مذکورک احکامندن بولنش ایسه ده مستنطق قرارنامه لرینک محکمه لرحه تدقیق اصول اتخاذ اولندیقنی حالده هیئت اتهامیه لرك یالکر اتهام مسئله سندن بشقه بر وظیفه لر قلمیه جفی آشکار و بوده بر معامله زانده دن عبارت اولوب موقوفینک امتداد محاکمه لرینی مستلزم و مضرتی داعیدر . مادامکه بر شیتک فوآندندن مضرتی

کثیردر او حالده اکثریتک محافظه منافعی ایجاب مصلحتندن بولنش اولدیغندن هیئت آتاهیه لرك بی لزوم اولدینی میدانده در. مع هذا ولایانده بو حقیقت ده ازیاده واضح بر کیفیت اولوب سنجاقلرده ولایت مرکز لرنده مستنظفلر اکثریتله مکتبی و اموردیده ذواتندن اولدینی حالده هیئت آتاهیه اعضا لرنده کیفیت بر عکس یعنی انتخابله تعیین اولنان اعضا لردن مرکب اولدینی جهته بو کجی هیئت آتاهیه لردن برفائده قانونیه انتظامی بیهوده در. اشته اصول مذکورک تعدیله شایان نقاطندن برسیده بودر. اصول مذکورک مندرجات احکامی تحریات، تحقیقات، محاکمات و اجراآت قسملرندن عبارت اولوب تحریات و تحقیقات قسمی ده اوسع بر صورتده توسیعه محتاج و ضابطه عدلیه به متدأر قسمی صریح و هر بر مأموره منهاج اوله جق قواعدی مشتمل اولمیدر.

باخصوص نظریاتحه مباحث عظیمه بی شامل اولان و رأساً تعقیبات قانونیه به تابع اولمیان خصوصات حقنده صراحت کافیه درج ایدیه لرك نظریاته واقف اولمیان مأمور بو بایده دوچار تردد اولمایدر. جنایتک اصول محاکمه سنه متعلق فصل صراحت کافیه بی حاوی اولدینی حالده جنحه و قبایحه دأر قسم بمحل صورتده تحریر ایدلمش اولدیغندن بو قسمده درجه مطلوبه ده توسیع ایدلمیدر و الحاصل اصول محاکمه جزائیه نك شو نواقصی ایله برابر تاریخ وضعندن بو آنه قدر بالعموم عاظم عثمانیه جه مرعی الاجرا بر قانون اولوب اکثر احکامی اهالیمزجه معلوم بولنش، جلب و احضار و توقیف مذکره لرنک احکامی انظار عمومیده تعیین ایش و ایجابی تقدیرنده طوغریدن طوغری به اصدار اولنان اخذ و گرفت مذکره لرنک درجه قوتی کویلی اهالیمزه و ارنجیه قدر اکلانلمش اولدیغندن بونلرک تعدیلی غیر جائز و بلکه بر حال مکملیه افرانی امر و اجبدر.

ذاتاً نظارت عدلیه جه تشکل ایش اولدینی غزنه لرك بیسانتندن نمایان اولان تعدیل قوانین قومیسیرونی بو جهتلری نظر دقته آله جفی درکاردر علاوه شونی ده عرض ایده نمکه مأمورین محاکمه سنک جهت عدلیه به تودیعنده اصابت و جهت جهت فوائد ترتب ایده جکی جای بحث دکلسدر. چونکه امور

محاکمه ایله نادرآ اشتغال ایتمکده اولان مأمورین ملکینهك ابتدای امرده تشکیل طرفین نقطه سنده خطا وقوعه کتورمکده ومجالس اداره لر طرفندن اتخاذاولنان مقررآتک پک چوغی اصول محاکمه احکامنه غیر قابل توفیق بولمقده در مع هذا دعاوینک رؤیتی آیبرجه بلکه سنه لرجه سورونجه ملرده قالدینی امنال کثیره سیله مثبت بر کیفیتدر.

مکتب حقوق مأذونلرندن

کمال مختار

فاسفه حقوق جزایه

فرانسه انستیوا اعضاسندن ومشاهیر جزایوندن فرانقندن مقتبسدر :

حق مجازات، حق مدافعه، مدافعه احتیاطکارانه، مدافعه زجریه، آرای مختلفه، «بتان» ک نظریه سی

حق مجازات مسئله سی کی بر موضوعی حاده تدقیقندن کچیرمک ایچون اول امرده بوموضوع حقننده بر فکر تام حاصل ایتک یعنی حد ذاتنده مجازات نهدر؟ حق مجازات نهدن عبارتدر؟ بورالری اکلاشلق ایجاب ایدر. بالفرض سوقافده کیدن بر آدمک اوزرینه هجوم ایدیلهرک اولا تهدیدانده بولنیلور، او آدم منقاد اولماز ایسه درحال استعمال جبر وشدت ایدیلیر اوده اوزرینه کلان قوتی قوت ایله دفعه چالیشر، نهایت مهاجم حیاتی تهله کده بولندیره حق نقطه یه قدر مقاومتده بولنور، اشته بو حال، مدافعه نفسدر، حق مدافعه یی استعمال دیمکدر. بوقسه مهاجمه کندیلککندن بر جزا اعطا ایدرک توزیع عدالته باعث اولمق دیکدر.

هیئت اجماعیه: حالده اشکل ایتماش، قانونک حکم وقوتی تقدیر ایلمامش برقوم، برملکت تصور ایده لمک اوراده هرکس کندنی امنیت وآایشی محافظه یه مجبور اولسون بناء علیه حق مجازاتده هرکسک یدافتدارنده بولسون بویه بریرده